



Inatsisartuni Ilaasortaq
Hr. Karl Lyberth,
c/o Inatsisartut Allattoqarfiat
/Maani

Royal Greenland A/S-imut tapiissutininik atuineq pillugu § 36 naapertorlugu apeqqummut nr. 2009-146-mut akissut

Inatsisartut Suleriaasianni § 36, imm. 1 naapertorlugu, allakkatigut ulloq 17. november 2009-mi ullulernerqarsimasuni, Royal Greenland A/S-imut juunimi 2009-mi tapiissutigineqartut 250 mio. koruunit kiisalu akisussaaffilimmik taarsigassarsiaritineqartut 250 mio. koruunit pillugit Naalakkersuisunut apeqquqarputit.

25. november 2009

Sags nr.

2009-022786

Dok.nr. 26 44 64

Postboks 1015

3900 Nuuk

Tlf. (+299) 34 50 00

Fax (+299) 32 50 02

E-mail: govsec@gh.gl

Apeqqutit matumuuna akineqassapput.

Apeqquq siulleq:

Naalakkersuisut ilisimavaat Royal Greenland-imit aningaasat taakkua sumut atornerqarsimanersut?

Apeqqummut siullermut akissut:

Royal Greenland A/S juunimi 2009-mi aktie-ni aningaasaataat 250 mio. koruuninik aningaasaliissuteqarnikkut ilaneqarput aammattaaq akisussaaffilimmik 250 mio. koruuninik taarsigassarsiinikkut, malittarisassat isumaqatigiissutaasut naapertorlugit ernialersorneqarlutillu akilersorneqassallutik. Aningaasaliissuteqarnermut tunngavigineqartut Inatsisartuni Aningaasaqarnermullu Ataatsimiititaliami suliarineqarnerani sukumiisumik allaaserineqarput.

Aningaasaliissuteqarneq pisariaqartitsilersimavoq ingerlatseqatigiiffiup akiitsorsinnaanerata uppernassusia qulakkeerniarlugu taamaalilluni akiitsut aamma nammineq aningaasaatit imminnut naleqqiullutik patajaallisarneratigut ingerlatseqatigiiffiup nammineq ingerlatsinermut pilersaarutaanut tapertaallutik, taamaaliornikkullu akiliisnaassuseqarnikkut aningaasatigut pituttuinerit annikinnerulersillugit.

Aningaasaliissutaasut aamma taarsigassarsiat taamaaliornikkut ingerlatseqatigiiffiup aningaaserivinnut akiitsui aningaasaliissutitut annertutigisunik appartinneqarluni, pingaartumik sivikitsumik aningaaserivinnut akiitsut annikillisinnerisigut, taamaalilluni atuisinnaaneq aningaasaliissuteqannginnermi ingerlatseqatigiiffik

aarlerinartorsiortinneqarsimalluni taamaattoqarneratigullu aamma toqqaannann-gikkaluamik Kalaallit Nunaata taarsigassarsisinnaassusiata uppernassusia aarleri-narsiortissimallugu.

Apeqqutip aappaa:

Tusallatsiakkat ilagivaat ukiaq manna Royal Greenland Nuummi illunik inissianil-lu pisisarsimasoq – tamanna ilumoorpa?

Apeqqutip aappaanut akissut:

Royal Greenland A/S-ip 2007-imi aaqqissuussaanera tamaat misissuiffigineqarne-rani paasineqarsimavoq, siusinnerusukkut allaffeqarfiata ilaata Nuummiit Sisi-miunut nuunneqarneranut atatillugu ingerlatseqatigiiffik immikkut aningaasartuu-teqarsimasoq. Nuummut uteqqinneq aningaasartuutitigut sulisoqarnikkullu ukiumut 2 – 3 mio. koruunit missaannik sipaarfiusinnaassaaq.

Taamaattumik 2007-imi aalajangiunneqarpoq illuutit Sisimiuniittut ikilisinneqar-nissaat Nuummilu illut pisariaqartinneqartut pissarsiarinissaat. Piaartumik inger-latsinikkut piviusunngortitsinissaq kissaatigineqarmat ukioq manna tikillugu Nuummi Air Greenland A/S-ip aamma KNI A/S-ip illuutaannik attartortoqarpoq.

Illuutit aningaasaqarnikkut killiffiat (1.000 koruuninngorlugit):

• Sisimiuni illunik tunisaqarnek (illut pingasut)	4.750
• Inissiaatileqatigiiffimmi piginneqataassummik KNI A/S-imut tunisaqarnek	869
• Nuummi ilaqutariinnut illumik ataatsimik tunisaqarnek	3.772
<i>Illunik tunisaqarnermi iluanaarutit katillugit</i>	9.391
• Nuummi inissianik arfineq-marlunnik pisineq	15.257
• Illunik tunisaqarnermi iluanaarutit katillugit	9.391
• Aningaasat ilanngaaseereerluni pituttorfigisat	5.866

Inissianik pisinermi taarsigassarsiniartarfimmut (kreditforeningsfinansiering) na-linginnaasumik qinnuteqartoqarpoq.

Tabelimi qulaaniittumi takuneqarsinnaapput aningaasat ilanngaaseereerluni pitut-torfigisat aningaasaliinngikkallarnermi 5.866 t. koruuniupput, taakkulu 295 t. ko-ruunit missaannik ukiumut erniaqassapput.

Taakkunani ingerlatsinermi ukiumut 2 – 3 mio. koruuniusuni sipaarutaasut anin-gaasaliissutit ukiut pingasut ataallugit akilerneqarput.

Taamaattumik Royal Greenland A/S-ip illunik pisinermi tunisinermilu iliuusai juunimi 2009-mi aningaasaliissutinut imaluunniit akisussaaffilimmik taarsigassar-siarineqartunut attuumassuteqanngillat.

Naalakkersuisut Siulittaasuat


Kuupik Kleist